



Claudii Fleurii Abbatis Historia Ecclesiastica

Ab anno Christi 1460. usque ad annum 1478

Fleury, Claude

August. Vind. [u.a.], 1768

VD18 90118332

§. 121. Nonnullæ urbes in Picardia & Arthesia a Rege occupatæ

[urn:nbn:de:hbz:466:1-66459](#)

Secul. XV. renuebant. Nec tamen pari successus
 A.C. 1477. facilitate obtinuit Burgundiæ Comita-
 tum, qui hodie Sequanorum tractus seu
Franche-Comté appellatur, quamvis nulli
 solertiæ pepercisset, ut eundem quoque
 in suam potestatem redigeret.

§. CXXI.

*Nonnullæ urbes in Picardia & Ar-
 thesia a Rege occupatae.*

Nec his contentus Ludovicus, quas-
 dam etiam Picardiæ, Arthesiæ &
 Flandriæ urbes, perinde ac si prædia be-
 neficiario obsequio Gallicæ Monarchiæ
 obnoxia essent, occupare molitur, missis
 in hanc rēm Borbonii Notho ac Commi-
 næo. Jam antea Torcyus, qui ad Re-
 gis partes transibat, Abbavillam subegit;
 non æque tamen facilis, atque expedita
 erat Atrebatenſis urbis deditio; Dux
 enim Burgundiæ hujus urbis Præfector
 designabat Ravensteinum Clivensis Dy-
 nastæ fratrem, & Crepicordienſem Do-
 minum, qui alio nomine Cordæus, seu
 Desquerdus dicebatur. Hi Regi expo-
 nebant, Atrebatenſem Comitatum clien-
 telare quidem prædium esse, ejus tamen
 conditionis, ut nonnisi ad foeminas de-
 volvi posset; illud enim a Margarita
 Flandriæ Ducissa ad Burgundicam fami-
 liam fuisse translatum; cum ergo Maria
 unice

*Commun.
 l. 5. c. II.*

Cleves.

Crevecoeur.

Cordes.

unice in Patris sui jura succederet, illam Sæcul. XV.
quoque solam hujus urbis hæredem esse; A.C. 1477.
de cetero inducias inter Burgundiæ Or-
dines & Franciam sanctitas nondum ex-
spirasse, proin omnino congruere, ut
huic Orphanæ saltem integrum esset,
quatenus Patris sui tam iniquo funesto-
que tempore sibi fatis erepti mortem in
pace deplorare valeat. Ambo hi Pro-
ceres cum Regiis Deputatis in Abbatia
Montis S. Eligii prope Atrebatum mutuo
congrediebantur; verum eorum consul-
tationes brevem admodum moram tene-
bant; quamvis Comminæus ibidem diu-
tius moraretur, spe fretus, se nonnullo-
rum Procerum animos Regi devinctu-
rum, valuitque successus; hi enim post-
modum integra fide Ludovici obsequium
prositebantur.

§. CXXII.

*Connubium Mariae de Burgundia cum
Delphino Regi propositum.*

Nihilominus Rex Turonibus profectus,
Atrebatum contendit, datisque plu-
ribus literis hujus ditionis Proceres suis
consiliis accedere sollicitat. Adhuc in iti-
nere constitutus erat, cum oppidum
S. Quintini, Bunium, Peronnam, &
Hamonam urbes in Franciæ obsequium
rediisse, non sine ingenti lætitia intelli-
geret;

Q q 3

geret;